

第五六冊目次

增壹阿含經五十卷(二)	苻秦曇摩難提譯		一
雜阿含經五十卷(一)	劉宋求那跋陀羅譯		五〇一

增壹阿含經卷第十三

斯三

符秦建元三年三藏曇摩難提譯

地主品第二十三

聞如是一時佛在舍衛國祇樹給孤獨園。介時王波斯匿告諸羣臣曰：汝等催嚴羽葆之車，吾欲往詣世尊所，禮拜問訊。是時左右受

乙

蘇潤

王教令尋嚴駕羽葆之車。即白王曰：嚴駕已辦。今正是時。介時王波斯匿即乘羽葆之車，步騎數千前後圍遶出舍衛國，至祇洹精舍，往詣世尊所。如諸王法，除去五飾，所謂蓋、天冠、劔履屐及金拂、捨著一面，至世尊所，頭面禮足，在一面坐。介時世尊與說深法，勸樂令

喜。是時王波斯匿聞說法已，白世尊曰：唯願世尊受我三月請，及比丘僧莫在餘處。是時世尊默然受波斯匿請。時王波斯匿見世尊默然受請，即從座起，頭面禮足，便退而去。還至舍衛城，勅諸羣臣曰：吾欲飯佛及比丘僧。三月供養，給所須物，衣被、飲食、牀卧具、病瘦

醫藥，汝等亦當發歡喜心。諸臣對曰：如是時王波斯匿即於宮門外作大講堂，極為殊妙，懸繒幡蓋，作倡妓樂，不可稱計。施諸浴池，辦諸油燈，辦種種飯食，味有百種。是時王波斯匿即白時到。唯願世尊臨顧此處。介時世尊以見時到，著衣持鉢，將諸比丘僧前後圍遶入舍衛城，至彼講堂所到，已就座而坐。及比丘僧各隨次而坐。是時王波斯匿將諸宮人，手自行食供給所須，乃至三月無所乏短。給與衣被、飯食、牀卧具、病瘦醫藥。見世尊食訖，持種種華散世尊及比丘僧上，更取小牀於如來前坐。白世尊曰：我曾從佛聞以因緣本施畜生食者，獲福百倍；與犯戒人食者，獲福千倍；施持戒人食者，獲福萬倍；施斷欲仙人食者，獲福億倍。與向須陀洹食者，獲福不可計。況復成須陀洹乎？況向斯陀含得斯陀含道，況向阿那含得阿那含道，況向阿羅漢得阿羅漢道，況向辟支佛得辟支佛，況向如來

至真等正覺況成佛及比丘僧其福功德不可稱計我今所作功德今日已辦世尊告曰大王勿作是語作福無厭今日何故說所作已辦所以然者生死長遠不可稱記過去久遠有王名曰地主統領此閻浮里地彼王有臣名曰善明少小與王周旋無所畏難是時

斯三

二

滿

彼王分閻浮地半與彼臣使治是時善明小王自造城郭東西十二由旬廣七由旬土地豐熟人民衆多余時彼城名曰遠照善明王王第一夫人名日月光不長不短不肥不瘦不白不黑顏貌端正世之希有口優鉢華香身體作栴檀香未經幾日身便懷妊彼夫人即往白王我今有身王聞此語歡喜踊躍不能自勝便勅左右更施設坐具使樂無比夫人懷妊日數已滿生一男兒當生之時閻浮地里內晃然金色顏貌端正三十二相身體金色善明大王見此太子歡喜踊躍慶賀無量便召諸師婆羅門道士躬抱太子使彼瞻

相我今已生此子卿等與吾瞻相便立名字時諸相師受王教令各共抱瞻觀察形貌咸共白王聖王太子端正無雙諸根不缺有三十二相今此王子當有兩趣若當在家者便爲轉輪聖王七寶具足所謂七寶者輪寶象寶馬寶珠寶玉女寶居士寶典兵寶是爲七

斯三

三

蘇

三講堂秋冬夏節隨適所宜宮人嫫女充滿宮裏使吾太子於此遊戲時王太子於此遊戲時王太子年二十九以信堅固出家學道即日出家即夜成佛亦時閻浮里地悉共聞知彼王太子出家學道即日成佛父王清旦聞王太子出家學道即夜成佛時父王便作

是念昨夜吾聞諸天在空皆共稱善此必善
應非有惡響我今可往而共相見時王將四
十億眾男女圍遶便詣燈光如來所到已頭
面礼足在一面坐及四十億眾各共礼足在
一面坐是時如來與父王及四十億眾漸說
妙論所謂論者施論戒論生天之論欲為穢

汙漏不淨行出家為要獲清淨報尔時如來
觀眾生意心性柔和諸佛如來常所說法苦
集盡道盡與彼四十億眾廣說其義即於座
上諸塵垢盡得法眼淨時四十億眾白燈光
如來曰我等意願剃除鬚髮出家學道大王
當知尔時四十億眾盡得出家學道即以其
日成阿羅漢尔時燈光如來將四十億眾皆
是無著遊彼國界國土人民四事供養衣被
飲食牀卧具病瘦醫藥無所渴乏是時地主
大王聞子燈光成無上正真等正覺將四十
億眾皆是無著遊彼國界我今當遣信往請
如來在此遊化若使來者充我本願若不來

者我躬自當往拜跪問訊即勅一臣汝往至
彼問訊如來持我名字頭面礼足與居輕利
遊步康強云王地主問訊如來與居輕利遊
步康強唯願世尊臨顧此土尔時彼人受王
教勅便往至彼國界到已頭面礼足在一面
立便作是說大王地主礼如來足問訊礼竟

興居輕利遊步康強唯願世尊臨顧彼國尔
時世尊默然受請時燈光如來將諸大眾以
漸人間遊行與大比丘四十億眾俱在在處
處靡不恭敬者衣被飲食牀卧具病瘦醫藥
皆悉貢獻漸至地主國界時地主大王聞燈
光如來至此國界在比婆羅園中將大比丘

斯三

四

眾四十億人我今可躬自往迎時地主大王
復將四十億眾往諸燈光如來所到已頭面
礼足在一面坐及四十億眾礼足在一面坐
尔時燈光如來漸與彼王及四十億眾而說
妙論所謂論者施論戒論生天之論欲為穢
汙漏不淨行出家為要獲清淨報尔時如來

觀衆生意心性柔和諸佛如來當所說法苦
集盡道盡與彼四十億衆廣說其義即於座
上諸塵垢盡得法眼淨時四十億衆白燈光
如來曰我等意願剃除鬚髮出家學道大王
當知今時四十億衆盡得出家學道即以其
日成阿羅漢道時地主國王即從座起頭面
礼足便退而去時燈光如來將八十億衆皆
是阿羅漢遊彼國界國土人民四事供養衣
被飲食牀卧具病瘦醫藥事事供給無所乏
短是時地主國王復於餘時將諸羣臣至彼
如來所頭面礼已在一面坐是時燈光如來
與彼國王說微妙法地主大王白如來曰唯
願世尊盡我形壽受我供養及比丘僧當供
給衣被飲食牀卧具病瘦醫藥悉當供給今
時燈光如來默然受彼王請時王見佛默然
受請重白世尊我今從世尊求願唯見聽許
世尊告曰如來法者以過此願王白世尊我
今求願者極爲淨妙世尊告曰所求之願云

斯三

五

何淨妙王白世尊如我意中今日衆僧在一
器食明日復用餘器食今日衆僧著一種服
明日復更易服今日衆僧坐一種座明日復
更坐餘座今日使人與衆僧使明日復更易
使人我所求願者正謂此耳燈光如來告曰
隨汝所願今正是時時地主大王歡喜踊躍
不能自勝即從座起頭面礼足便退而去還
至宮中到已告諸羣臣我今意欲盡其形壽
供養燈光如來至真等正覺及比丘衆衣被
飲食牀卧具病瘦醫藥汝等亦當勸發佐吾
供辦諸臣對曰如大王教去城不遠一由旬
內造立堂舍彫文刻鏤五色玄黃懸繒幡蓋
作倡妓樂香汁灑地修治浴池辦具燈明及
甘饌飲食施設坐具便白時到今正是時願
尊屈顧時燈光如來已知時至著衣持鉢將
比丘衆前後圍繞便往至講堂所各各就座
而坐時地主大王見佛比丘僧坐訖將宮人
姝女及諸大臣手自斟酌行種種飲食味各

百種大王當知今時地主國王七萬歲中供養燈光如來及八十億眾諸阿羅漢未曾懈廢時彼如來教化周訖便於無餘涅槃界而般涅槃時地主大王若干百種香華供養於四衢道路起四廟寺各用七寶金銀琉璃水精懸繒幡蓋及八十億眾各各以漸於無餘

涅槃界而般涅槃今時大王取八十億眾收其舍利各各興起神寺皆懸繒幡蓋香華供養大王當知今時地主大王復供養燈光如來寺及八十億羅漢寺復經七萬歲隨時供養然燈散華懸繒幡蓋大王當知燈光如來遺法滅盡然後彼狂取滅度今時地主大王者豈是異人乎莫作是觀所以然者今時地主大王者即我身是我於今時七萬歲中以衣被飲食牀卧具病瘦醫藥供養彼佛令不減少般涅槃後復於七萬歲中供養形像舍利然燈燒香懸繒幡蓋無所渴乏我於今時以此功德求在生死獲此福祐不求解脫大

斯三

六

王當知今時所有福德今有遺餘耶莫作是觀如我今日觀彼福祐無有毫釐如毛髮許在所以然者生死長遠不可稱記於中悉食福盡無有毫釐許在是故大王莫作是說言我所作福祐今日已辦大王當作是說我今身口意所作衆行盡求解脫不求在生死食其福業便於長夜安隱無量今時王波斯匿便懷恐懼衣毛皆堅悲泣交集以手拭淚頭面礼卅尊足自陳過狀如愚如騃無所覺知唯願卅尊受我悔過今五體投地改已往之失更不造此言教唯願卅尊受我悔過如是再三卅尊告曰善哉善哉大王今於如來前悔其非法改往修來我今受汝悔過更莫復造今時於大眾中有一比丘尼名迦梅延即從座起頭面礼足白卅尊曰今卅尊所說甚爲微妙又卅尊告波斯匿作是語大王當知身口意所作衆行盡求解脫莫求在生死食其福業便於長夜獲安隱無量所以然者我

自憶三十一劫有式詰如來至真等正覺出現於世明行成爲善逝世間解無上士道法御天人師号佛衆祐遊在野馬世界尔時彼佛到時著衣持鉢入野馬城乞食是時城內有德使人名曰純黑時彼使人見如來執鉢入城乞食見已便作是念今如來入城必須

斯三

七

潤

飲食即入家出食施與如來興發此願持此功德莫墮三惡趣中使我當來之世亦當值如此聖尊亦當使彼聖尊爲我說法時得解脫世尊并波斯匿王咸共知之當尔時純黑使人者豈異人乎莫作是觀所以然者尔時純黑使人者即我身是我於尔時飯式詰如來作此誓願使我當來之世值如此聖尊與我說法時得解脫我於三十一劫不墮三惡趣中生天人中最後今日受此身分遭值世尊得出家學道盡諸有漏成阿羅漢如世尊所說極爲微妙語波斯匿王身口意所作衆行盡求解脫莫在生死食此福業我若見比

丘比丘尼優婆塞優婆夷歡喜心意向如來者我便生此念此諸賢士用意猶不愛敬供奉如來設我見四部之衆即往告曰汝等諸賢爲須何物衣鉢耶尼師壇耶針簞耶法澡罐耶及餘沙門什物我盡當供給我許已盡便在在處處乞求若我得者是其大幸若使不得便往至鬱單越瞿耶尼弗于逮求索來與所以然者皆由此四部之衆得涅槃道尔時世尊觀察迦梅延比丘尼心便告諸比丘汝等頗見如此之比丘信心解脫如迦梅延比丘尼乎諸比丘對曰不見也世尊世尊告曰我聲聞中第一比丘尼得信解脫者所謂迦梅延比丘尼是也尔時迦梅延比丘尼及波斯匿王四部之衆聞佛所說歡喜奉行聞如是一時佛在羅閱城耆闍崛山中與大比丘衆五百人俱尔時尊者婆拘盧在一山曲補納故衣是時釋提桓因遙見尊者婆拘盧在一山曲補納故衣見已便作是念此尊

者婆拘盧已成阿羅漢諸縛已解長壽無量恒自降伏思惟非常苦空非身不著世事亦復不與他人說法寂默自修如外道異學不審此尊能與他說法為不堪任乎我今當與試之尔時天帝釋便從三十三天沒不現來至耆闍崛山在尊者婆拘盧前住頭面礼足

斯三

在一面立尔時釋提桓因便說此偈

智者所歎說 何故不說法 壞結成聖行

何為寂默住

尔時尊者婆拘盧復以此偈報釋提桓因曰

有佛舍利弗 阿難均頭葉 亦及諸尊長

善能說妙法

尔時釋提桓因白尊者婆拘盧曰眾生之根有若干種然尊當知世尊亦說眾生種類多於地土何故尊者婆拘盧不與他人說法婆拘盧報曰眾生之類難可覺知世界若干國土不同皆著我所非我所我今觀察此義已故不與人說法釋提桓因曰願尊與我說我

所非我所之義尊者婆拘盧曰我人壽命若男若女士夫之類盡依此命而得存在然復拘翼世尊亦說比丘當知當自然熾無起邪法亦當賢聖默然我觀此義已故默然耳是時釋提桓因遙向世尊叉手便說此偈歸命十力尊 圓光無塵翳 普為一切人

此者甚奇特

尊者婆拘盧報曰何故帝釋而作是說此者甚奇特釋提桓因報言自念我昔至世尊所到已礼世尊足而問此義天人之類有何想念尔時世尊告我曰此世界若干種各各殊異根原不同我聞此語已尋對曰如是世尊

斯三

九

蘇

如世尊所說世界若干種各各不同設與彼眾生說法咸共受持有成果者我以此故說此者甚奇特然尊者婆拘盧所說亦復如是世界若干種各各不同是時釋提桓因便作是念此尊堪任與人說法非為不能是時釋提桓因即從座起而去尔時釋提桓因聞尊

耆婆拘盧所說歡喜奉行

聞如是一時佛在占波國雷聲池側是時尊者二十億耳在一靜處自修法本不捨頭陀十一法行晝夜經行不離三十七道品之教若坐若行常修正法初夜中夜竟夜恒自剋勵不捨斯須然復不能於欲漏法心得解脫是時尊者二十億耳所經行處脚壞血流盈滿路側猶如屠牛之處烏鵲食血然復不能於欲漏心得解脫是時尊者二十億耳便是念釋迦文佛苦行精進弟子中我為第一然我今日漏心不得解脫又我家業多財饒寶宜可捨服還作白衣持財物廣惠施然今作沙門甚難不易尔時世尊遙知二十億耳心之所念便騰逝虚空至彼經行處敷坐具而坐是時尊者二十億耳前至佛所頭面礼足在二面坐尔時世尊問二十億耳曰汝向何故作是念釋迦文佛精進苦行弟子中我為第一然我今日漏心不得解脫又我家業

饒財多寶宜可捨服還作白衣持財物廣惠施然今作沙門甚難不易二十億耳對曰如是世尊世尊告曰我今還問汝隨汝報我云何二十億耳汝本在家時善彈琴乎二十億耳對曰如是世尊我本在家時善能彈琴世尊告曰云何二十億耳若琴弦極急響不齊等尔時琴音可聽採不二十億耳對曰不也世尊世尊告曰云何二十億耳若琴弦復緩尔時琴音可聽採不二十億耳對曰不也世尊世尊告曰云何二十億耳若琴絃急心不緩尔時琴音可聽採不二十億耳對曰如是世尊若琴絃不急不緩尔時琴音便可聽採

斯三

十

潤

世尊告曰此亦如是極精進者猶如調戲若懈怠者此墮邪見若能在中者此則上行如是不久當成無漏人尔時世尊與二十億耳說微妙法已還在雷音池側尔時尊者二十億耳思惟世尊教勅不捨須臾在閑靜處修行其法所以族姓子出家學道剝除鬚髮修

無上梵行生死已盡梵行已立所作已辦更不復受有如實知之尊者二十億耳便成阿羅漢。爾時世尊告諸比丘我聲聞中第一弟子精勤苦行所謂二十億耳比丘是。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時舍衛城中婆提長者遇病命終。然彼長者無有子息。所有財寶盡沒入官。爾時王波斯匿塵土全身來至世尊所。頭面禮足。在一面坐。是時世尊問王曰。大王何故塵土全身來至我所。波斯匿王曰。世尊曰。此舍衛城內有長者名婆提。今日命終。彼無子息。躬往收攝財寶。理使入官。純金八萬斤。況復餘雜物乎。然彼長者存在之日。食如此之食。極為慳惡。不食精細。所著衣服垢全不淨。所乘車騎極為瘦弱。世尊告曰。如是大王。如王來言。夫慳貪之人。得此財貨。不能食。噉不與父母妻子。僕從奴婢亦復不與朋友知識。亦復不與沙

斯三

十一

門婆羅門諸尊長者。若有智之士。得此財寶。便能惠施廣濟。一切無所愛惜。供給沙門婆羅門諸高德者。時王波斯匿說曰。此婆提長者。命終為生何處。世尊告曰。此婆提長者。命終生啼哭大地獄中。所以然者。此斷善根之人。身壞命終。生啼哭大地獄中。波斯匿王曰。婆提長者斷善根耶。世尊告曰。如是大王。如王所說。彼長者斷於善根。然彼長者故福已盡。更不造新。王波斯匿曰。彼長者頗有遺餘福乎。世尊告曰。無也。大王。乃無毫釐之餘。存在者。如彼田家。公但收不種。後更窮困。漸以命終。所以然者。但食故業。更不造新。此長者亦復如是。但食故福。更不造新。福此長者今夜當在啼哭大地獄中。爾時波斯匿王便懷恐怖。拭淚而曰。此長者昔日作何功德。福業生在富家。復作何不善根本。不得食此極富之貨。不樂五樂之中。爾時世尊告波斯匿王曰。過去久遠迦葉佛時。此長者在此舍衛城中。為

田家子尔時佛去世後有辟支佛出世往詣此長者家尔時此長者見辟支佛在門外立見已便生是念如此尊者出世甚難我今可以飲食往施此人尔時長者便施彼辟支佛辟支佛得食已便飛在虛空而去時彼長者見辟支佛作神足作是誓願持此善本之願使我世所生之處不墮三惡趣常多財饒寶後有悔心我向所有食應與奴僕不與此秃頭道人使食尔時田家公長者豈異人乎莫作是觀所以然者尔時田家長者今婆提長者是是時施已發此誓願持此功德所生之處不墮惡趣恒多財饒寶生富貴之家無所渴乏既復施已後生悔心我寧與奴僕使食不與此秃頭道人使食以此因緣本末不得食此極有之貨亦復不樂五樂之中不自供養復不與父母兄弟妻子僕從朋友知識不施沙門婆羅門諸尊長者但食故業不造新者是故大王若有智之士得此財貨當廣

斯三

十二

布施莫有所惜復當得此無極之財如是大王當作是學尔時波斯匿王白世尊曰自今已後當廣布施不限沙門婆羅門四部之衆諸外道異學來乞求者我不堪與世尊告曰大王莫作是念所以然者一切衆生皆由食得存無食便喪尔時世尊便說此偈

念當廣惠施 終莫斷施心 必當值聖衆
度此生死原

尔時波斯匿王白世尊曰我今倍歡慶向如來所以然者一切衆生皆由食得存無食不存尔時王波斯匿曰自今已後當廣惠施無所吝惜是時世尊與王說微妙之法時王即從座起頭面礼足便退而去尔時王波斯匿聞佛所說歡喜奉行

聞如是一時佛在舍衛國祇樹給孤獨園尔時尊者阿難在閑靜處便生此念世間頗有此香亦逆風香亦順風香亦逆風順風香乎尔時尊者阿難便從座起往詣世尊所頭面

礼足在一面坐尔时尊者阿難白世尊曰我於閑靜之處便生此念世間頗有此香亦逆風香亦順風香亦逆風順風香乎尔时世尊告阿難曰有此妙香亦逆風香亦順風香亦逆風順風香是時阿難白世尊曰此何者香亦逆風香亦順風香亦逆風順風香世尊告

斯三

十三

蘇

曰有此之香然此香氣力亦逆風香亦順風香亦逆風順風香阿難白佛言此何等香亦逆風香亦順風香亦逆風順風香世尊告曰此三種香亦逆風香亦順風香亦逆風順風香阿難言何等為三世尊告曰戒香聞香施香是謂阿難有此香種然復此逆風香亦順風香亦逆風順風香諸世間所有之香此三種香最勝最上無與等者無能及者猶如由牛有酪由酪有酥由酥有醍醐然此醍醐最勝最上無與等者亦不能及此亦如是諸所有世間諸香此三種香最勝最上無能及者尔时世尊便說此偈

木槩及栴檀 優鉢及諸香 此諸種種香
戒香最為勝 此戒以成就 無欲無所滌
等智而解脫 遊處魔不知 此香雖為妙
及諸檀栴香 戒香之為妙 十方悉聞之
栴檀雖有香 優鉢及餘香 此諸眾香中
聞香最第一 栴檀雖有香 優鉢及餘香

此諸眾香中 施香最第一

是謂此三種香亦逆風香亦順風香亦逆風順風香是故阿難當求方便成此三香如是阿難當作是學尔时阿難聞佛所說歡喜奉行聞如是一時佛在羅閱城迦蘭陀竹園所與大比丘眾五百人俱尔时世尊到時著衣持鉢入羅閱城乞食尔时提婆達兜亦入城乞食是時提婆達兜所入巷中佛亦往至彼然遙見提婆達兜來便欲退而去是時阿難白世尊曰何故欲遠此巷世尊告曰提婆達兜今在此巷是以避之阿難白佛言世尊豈畏提婆達兜乎世尊告曰我不畏提婆達兜

也但此惡人不應與相見阿難曰然世尊可使此提婆達兜乃可使在他方尔時世尊便說此偈

我終無此心 使彼在他方 彼自當造行 便自在他所

阿難白世尊曰然提婆達兜過於如來所世

斯三

十四

尊告曰愚惑之人不應與相見是時世尊向阿難而說此偈

不應見愚人 莫與愚從事 亦莫與言論

說於是非事

是時阿難復以此偈報世尊曰

愚者何所能 愚者有何過 正使共言論

竟有何等失

尔時世尊復以此偈報阿難曰

愚者自造行 所作者非法 正見反常律

邪見日以滋

是故阿難莫與惡知識從事所以然者與愚人從事無信無戒無聞無智與善知識從事

便增益諸功德戒具成就如是阿難當作是學尔時阿難聞佛所說歡喜奉行

聞如是一時佛在羅閱城迦蘭陀竹園所與五百人俱尔時王阿闍世恒以五百金食給與提婆達兜彼時提婆達兜名聞四遠戒德具足名稱悉備乃能使王日來供養是時提

婆達兜得此利養已諸比丘聞之白世尊曰國中人民歎說提婆達兜名稱遠布乃使王阿闍世恒來供養尔時世尊告諸比丘汝等比丘莫抱此心貪提婆達兜利養所以然者提婆達兜愚人造此三事身口意行終無驚懼亦不恐怖如今提婆達兜愚人當消盡此

斯三

十五

七

諸善功德猶如取惡狗鼻壤之倍復凶惡提婆達兜愚人亦復如是受此利養遂起貢高是故諸比丘亦莫與意著於利養設有比丘著於利養而不獲三法云何為三法謂賢聖戒賢聖三昧賢聖智慧而不成就若有比丘不著利養便獲三法云何為三所謂賢聖戒

賢聖三昧賢聖智慧若欲成此三法當發善心不著利養如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘有此三不善根云何為三貪不善根恚不善根癡不善根若比丘有此三不善根者便墮三惡趣云何為三所謂地獄餓鬼畜生如是比丘若有此三不善根者便有三惡趣比丘當知有此三善根云何為三不貪善根不恚善根不癡善根是謂比丘有此三善根者便有二善趣躋繫為三云何為二趣所謂人天是也謂比丘有此三善者則生此善處是故諸比丘當離三不善根修三善根如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘有此三聚云何為三所謂等聚邪聚不定聚彼云何名為等聚所謂等

見等治等語等業等命等方便等念等定是謂等聚彼云何名為邪聚所謂邪見邪治邪語邪業邪命邪方便邪念邪定是謂邪聚彼云何名為不定聚所謂不知苦不知集不知盡不知道不知等聚不知邪聚是謂名為不定聚諸比丘當知復有三聚云何為三所謂

善聚等聚定聚彼云何為善聚所謂三善根何等三善根所謂不貪善根不恚善根不癡善根是謂善聚云何名為等聚所謂賢聖八品道等見等治等語等業等命等方便等念等三昧是謂等聚彼云何名為定聚所謂知苦知集知盡知道知善聚知惡聚知定聚是

斯三

十六

調

謂名為定聚是故諸比丘此三聚中邪聚不定聚當遠離之此正聚者當共奉行如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘有此三觀想云何為三所

謂觀欲想瞋恚想殺害想是謂比丘有此三
 想比丘當知若有人觀欲想命終時便墮地
 獄中若觀瞋恚想命終時生畜生中所謂雞
 狗之屬蛇虺之類而生其中若觀害想而命
 終者生餓鬼中形體燒然苦痛難陳是謂比
 丘有此三想生地獄中餓鬼畜生復有三想

云何為三所謂出要想不害想不恚想若有
 人有出要想者命終之時生此人中若有不
 害想者命終時生自然天上若有人不殺心
 者命終時斷下五結便於彼處而般涅槃是
 諸比丘有此三想常念修三此三惡想當遠
 離之如是諸比丘當作是學尔時諸比丘聞

佛所說歡喜奉行

地主婆拘耳 婆提逆順香 愚世三不善

三聚觀在後

十末

增壹阿含經卷第十三

斯三

斯匿下尼反履履上反懷妊下而反晃明反勇悍

下音 靡伏上苗反剔除上他反甘饌下朱反斟酌上音
 針毫釐下力反汶汶上粉反武駮反語解反式詰下起反澡
 罐二子音塵翳下反勵上例反琴絃上渠反全
 蕭悶反慙減并禿頭上他反釜父音地下鬼反

增壹阿含經卷第十四

斯四

符秦建元年三藏曇摩難提譯

高幢品第二十四之一

聞如是一時佛在舍衛國祇樹給孤獨園尔
 時世尊告諸比丘昔者天帝釋告三十三天
 卿等若入大戰中時設有恐怖畏懼之心者

賈

汝等還顧視我高廣之幢設見我幢者便無
 畏怖若不憶我幢者當憶伊沙天王幢以憶
 彼幢者所有畏怖便自消滅若不憶我幢及
 不憶伊沙幢者尔時當憶婆留那天王幢以
 憶彼幢所有恐怖便自消滅我今亦復告汝
 等設有比丘比丘尼優婆塞優婆夷若有畏

怖衣毛豎者。尔時當念我身。此是如來至真等正覺。明行成爲善逝。世間解無上士道法。御天人師。号佛衆祐。出現於世。設有恐怖衣。毛豎者。便自消滅。若復不念我者。尔時當念於法。如來法者。甚爲微妙。智者所學。以念法者。所有恐怖。便自消滅。設不念我。復不念法。

尔時當念聖衆。如來聖衆。極爲和順。法法成就。戒成就。三昧成就。智慧成就。解脫成就。解脫見慧成就。所謂四雙八輩。此是如來聖衆。可敬可事。世間福田。是謂如來聖衆。尔時若念僧已。所有恐怖。便自消滅。比丘當知。釋提桓因。猶有姪怒。癡然三十三天。念其主即無恐怖。況復如來。無有欲怒心。當念有恐怖乎。若有比丘。有恐怖者。便自消滅。是故諸比丘。當念三尊佛法。聖衆如是。諸比丘當作是學。尔時諸比丘。聞佛所說歡喜奉行。

聞如是一時。佛在舍衛國祇樹給孤獨園。尔時拔祇國界有鬼。名爲毗沙。在彼國界極爲

凶暴。殺民無量。恒日殺一人。或日殺二人。三人。四人。五人。十人。二十人。三十人。四十人。五十人。尔時諸鬼神。羅刹。充滿彼國。是時拔祇皆共集而作是說。我等可得避此國。至他國。界不須住。此是時毗沙惡鬼。知彼人民心之所念。便語彼人民曰。汝等莫離此處。至他邦。

土。所以然者。終不免吾手。卿等日日持一人祠吾。吾便不觸擾汝。是時拔祇人民。日取一人祠彼惡鬼。是時惡鬼。食彼飲食。已取骸骨。填著他方山中。然彼山中。骨滿谿谷。尔時有長者。名善覺。在彼住止。饒財多寶。積財千億。驢騾駱駝。不可稱計。金銀珍寶。磚礫瑪瑙。眞

斯四

二

珠琥珀。亦不可稱計。尔時彼長者。有見名那優羅。唯有一子。甚愛敬念。未曾離目前。尔時有此限制。那優羅小兒。次應祠鬼。是時那優羅父母沐浴。此小兒與著好衣。將至冢間。至彼鬼所。到已啼哭。喚呼不可稱計。並作是說。諸神地神。皆共證明我等。唯有此一子。願諸

明神當證明此及二十八鬼神王當共護此無令有乏及四天王咸共歸命願擁護此兒使得免濟及釋提桓因亦向歸命願濟此兒命及梵天王亦復歸命願脫此命諸有鬼神護世者亦向歸命使脫此厄諸如來弟子漏盡阿羅漢我今亦復歸命使脫此厄諸辟支佛無師自覺亦復自歸使脫此厄彼如來今亦自歸不降者降不度者度不獲者獲不脫者脫不般涅槃者使般涅槃無救者與作救護育者作眼日病者作大醫王若天龍鬼神一切人民魔及魔天最尊最上無能及者可敬可貴為人作良祐福田無有出如來上者然如來當鑒察之願如來當照此至心是時那優羅父母即以此見付鬼已便退而去尔時世尊以天眼清淨復以天耳徹聽聞有此言那優羅父母啼哭不可稱計尔時世尊以神足力至彼山中惡鬼住處時彼惡鬼集在雪山比鬼神之處是時世尊入鬼住處而

斯四

三

坐正身正意結跏趺坐是時那優羅小兒漸以至彼惡鬼住處是時那優羅小兒遙見如來在惡鬼住處光色炳然正身正意繫念在前顏色端正與世有奇諸根寂靜得諸功德降伏諸魔如此諸德不可稱計有三十二相八十種好莊嚴其身如須彌山出諸山頂面如日月亦如金山光有遠照見已便發歡喜心向於如來便生此念此必不是毗沙惡鬼所以然者我今見之極有歡喜之心設當是惡鬼者隨意食之是時世尊告曰那優羅如汝所言我今是如來至真等正覺故來救汝及降此惡鬼是時那優羅聞此語已歡喜踊躍不能自勝便來至世尊所頭面礼足在一面坐是時世尊與說妙義所謂論者施論戒論生天之論欲為穢惡漏不淨行出家為要去諸亂想尔時世尊已見那優羅小兒心意歡喜意性柔軟諸佛世尊常所說法苦集盡道是時世尊具與彼說彼即於座上諸塵垢